

自西漢書有

志後世通

於是



各有其力與

考彬彬乎稱成

不自簪筆負虜

象胥氏所掌 晰矣

環瀛大勢反 驅車

四方齊魯荆 堪

徐閩粵之郊 踪

殆遍一八 駢

山海關詩序
如北平

州遼右地也

以東延袤七百

羣峰萬壑爭赴一

門山海關厥維

哉予旣膺

命觀察是邦凡會勸

事例得次止

戊申之役董

墻千有餘丈信宿

關上者再角山

翠渝水流澌四

蒼茫愴懷今古管

關陳君因進余儀

部所輯志請序上

自象嶠日星

節候下極山

口風俗土田中備

人倫庶類興廢

華奢儉強弱之數

弘裁瓊綴罔不燦

列子因攷其山川

按其圖紀升高以

望涉勝之區似見

我

聖朝綏靖以來萬邦咸

寧所在為樂土關

介

兩都之間尤昇平無

事民生不見兵革

靡有烽烟之警戰

闔之虞奮神武於

當年流渚恩於億
世昔之風悲日曛
者今轉而爲岳峙
波恬矣猗歟休哉
予忝大夫之後俯
仰江山歌功頌德
振雪後之輕裘舒
清嘯於天末亦何

幸而際斯久安長

治之時乎爰閱全

編而為之序

康熙八年仲秋之吉北

平觀察使者武林

錢世清撰



序

考周禮太史掌建邦之

六典又有外史掌四方

之志三皇五帝之書夫

所謂四方之志者何也

即古詩十五國之風今

之郡邑誌是也然則方
俗之有誌由來尚矣山
海關城創自故明因設
衛治分隸永平中州范
公編有成書多載勝國
舊事至我

世祖章皇帝

龍飛遼左

定鼎燕都

一統之基實始於石河一戰
逆闖旣殲

大業遂定薄海內外車書禮

樂制度典章莫不煥然
維新矧茲關門又為

聖化所首被乎其間為創為
因為沿為革不知凡幾
若不亟起而輯修之久
之文獻湮而見聞泯將

欲表章

休明昭示來茲其道無由
今年春

太史蔣公奉

天子璽書督學

畿輔行部永平考課之暇

蒐討故實訪求遺聞會
觀察錢公重修郡誌相與
揚扃風雅憑弔古今因
索山海舊誌披覽之餘
憫其殘缺雅意更訂以
賓興旁午較士他郡

觀察公尋亦移駐潞河兩
公皆由

王事靡盬不遑他及以天植
謬叨闕篆命寓書

儀部余公為董厥事公與
太史為同譜友誼最篤

家食數年傲安石之高
卧倣虞卿之著書闡性
命宗旨抉理道微言上
接千聖薪傳下開百世
學統洵乎

盛朝之碩輔當代之儒宗也

植於是與路衛兩君敦

請公公亦慨然以是任

閱三月而其志成凡若

千卷總其大畧既綱舉

而目張又每卷之中標

其節類更條分而縷悉

凡天道之變易人事之
隆替山川之彙陰風俗
之醇澆與夫文德之顯
晦武功之赫濯宮蹟之
升沉官守之清濁以孝
行著者幾何人以忠節
顯者幾何族以貞烈傳
者幾何事戶口之增耗
者何家賦役之更定者
何制土田之孳生者何
物利之當興何事弊之
當革何從前之何以舉

後之何以弛莫不犁然
畢具開卷瞭如令覽者
有觀止之歎猗歟盛哉
可不謂備美矣乎昔司
馬遷作史記年月有表
帝王有紀律曆刑政有
書食貨品物有志名臣
外戚有世家儒林游俠
佞幸有列傳及後班固
范曄陳壽沈約輩亦各
成一家之言以備一代
之典冊今公所志山海

雖僅一隅之書乎要未嘗不可作全史觀也自非其才之敏學之博識之精如劉知幾所言三長兼擅曷克質文相劑本末兼該若此之詳且

贍哉方今

太史公督學事竣正欲舉

八郡之吏治民依文章

風俗彙成一書以上報

天子則是誌也或亦可備陳

詩納價之一助云是為

序 省

康熙己酉冬月之吉

直隸永平府山海管關

通判陳天植頌首拜撰



序

山海固用武之區也我

大清受鼎以來易戎馬為承平

此地實為樂土矣然撫今

日之雍熙昔年之搶攘可

念也享一朝之安阜一方

之利弊宜悉也攷興廢鑒
古今辨人物明制度莫善
乎誌誌者鄒域之史也吾
宗培生公為闕別駕奉

督學蔣公

觀察錢公之命重脩闕誌就

謀於余爰偕衛司篆君請

儀部余公主筆為其纂脩顛

別駕公業詳哉言之矣

余治軍者也請言軍旅粵

稽明初建闕設一衛十千

戶所領軍萬人以侯伯統

之兵制非不善也厥後無
 事兵漸分守漸單以部使
 管關以守臣司兵以本衛
 軍爵視篆晏如也迨中葉
 朶顏三衛時有舉族則易
 守臣為叅戎矣舊額軍士
 外增遊兵募新兵矣守臣
 原隸石門踏至是則割一
 石為界界山海屹然自
 為一踏矣兵制為之一變
 也至末季有事於遼則設
 經理與南北二部為三鎮

增兵十餘萬人從此忽分
忽合互更互調營制不一
寇後則特為一鎮馬步兵
者二萬伍千人宜為經制
與遼鎮等兵制又為之一
變也

大
祚有德歸於

國朝二十六年以來典章文物

燦然明備先是撤鎮以副

帥統其衆未幾又撤副帥

以一遊擊領城守營彼時

兵猶存數千人山海路叅

將改設都司矣此後海防
為重乃設沿海三營裁遊
擊以城守事務歸併山海
衛止存兵馬步三百人其
撤部使以路將管澳司筦
鑰自

國初已然也夫兵不限多寡用
惟其人昔韓淮陰善用衆
武穆善用寡班仲升以
三十六人平定西域兵豈
在多乎况迤北則接石門
路同城有南海營且協同

滿洲城守諸公共理關門

則甲士尤當今精銳也憶

明正德末值妖率之受部

下設兵百名彼時之制

云山海關守把官軍一百

一員名今日之兵以之守

邊似不足以守關則已

有餘矣此時邊止須巡緝

不守即守則合滿漢營

聽之兵猶患不足哉按誌

所載為形勢為關隘為邊

防為軍實邈古及今展卷

瞭然若夫錢穀禮樂則有
專司余又何能越俎也說
者曰前此脩誌皆關部任
今公之所司即昔年關
部所司也別駕公脩誌所
以必謀於公公安諉乎工
既竣不可無一言以弁簡
端於是乎書

康熙己酉黃鐘月之長至日

遊擊將軍管山海路事陳
名遠謹序



叙

嘗讀禹貢五百里綏服三

百里揆文教二百里奮武

衛夫揆文奮武疑若不同

於以奠定邦家义安百姓

其義一也山海籍属衛當

年昼土彡疆與州縣同馭
軍興屯與州縣異至於今
宜若無異焉雖然不可以
無誌關之有誌自明嘉靖
始迨其季則有山石誌改
革以來山陵川澤猶故也
至於人民之增耗景物之
更移以及制度之變易風
俗之流轉則有迥不相侔
者矣

太史蔣公督學北平披覽舊
誌慨其缺畧爰同

觀察錢公屬

關別駕公任其事而兼及於
廷謨以謨忝司民社與州
縣埒耳蓋衛為軍籍向隸
踞今軍民雖分猶均有守
土之責於是

廳

踞二公與謨共任之並造

儀部奈公之門求其主筆以
成是書書成十卷上而象
緯下而川原中而人事物
理靡不纖委曲盡可謂一

方之信史矣竊嘗因是而有感焉夫今日之山海較昔日之山海尚可一視之耶昔設一衛十千戶所衛以戶侯司之所以千兵主之掌篆一人而屯而捕各一人如郡之有丞有別駕州縣之有佐貳也後調中所左所二所拉遼合之鎮撫司猶九所也今衛吏守戎之外僅一千總耳屯捕衛所之務兼而任之復以

撫寧併入山海官省而事
何能擬省也且以衛地撥
補灤州合兩衛之地不及
昔年一衛地減而民豈必
盡減也且路當

兩京之衝差貢員役往來如

織繁且疲矣職類有司官

屬武秩大計軍政咸取辦

於斯寧有息肩之隙乎且

全遼二十五衛皆更州縣

矣山海獨仍舊也况官非

世爵軍非祖役地多撥補

以此名衛又安所取義乎
惟是在官一日盡一日之
職掌耳夫有滿洲之官即
有滿洲之民有滿洲之官
即有滿洲之民四方客商
州縣流寓居此土者衛皆
得而治之衛果得而治之
哉故從來脩誌在府言府
在州言州在縣言縣今誌
不係衛而係以關衛不足
以盡誌也即路亦不足以
盡誌也係以關而路與衛

統是矣此山海關誌不可
以不脩而不可以不共脩
之也歟

告

康熙八年歲次己酉臘月上
浣穀旦

山海衛掌印兼理屯務守
備陳廷謨拜手謹書



小序

山海舊無誌有之自德平葛公始蓋明嘉靖乙未歲也葛公屬筆於鄉先達詹角山先生公雅重先生不復更訂隨付剞劂越六十三年萬曆丁酉南城張公述舊編而增定之一一出自手裁視昔加詳矣又歷十三年商州邵公從而續之不過補其所未及匪云修也至崇禎辛巳虞城范公任關道合所屬而重加纂輯命曰山石誌其距邵公誌又三十年矣踰三載

天命改革

大清繼統從前規制為之一變焉二十七年以來聲名

山海關志 卷一
文物奕然改觀若不蚤為紀注後此幾不可問矣
督學蔣公托

僉憲錢公以轉屬於

關別駕陳公陳公又偕

路帥

衛司策二陳公同造余廬而就諮焉以余與脩山石
誌畧習夙典也蓋山石誌成於搶攘中多舛錯未經
攷訂至今切切於懷茲奉

諸公之命夫曷敢以固陋辭爰是合四誌之所載參
以郡乘採諸群書訪於衆見凡三閱月而書成先繕

寫二冊請正於

蔣二公然後發梓匪敢謬附前賢著作之末聊以備

後人之蒐擇耳竊追憶此誌自角山先生始主筆迄
今百三十六稔矣昔人皆淪沒已久其間與脩邵公
誌者僅存吾鄉呂夔翁一人年已八旬有五與脩范
公誌者惟余不肖而已文獻不足古今同慨語云賢
者識大不賢識小余亦僅識其小者以聽大方取裁
又曷敢避固陋之誚以負


諸公惓惓之意乎余為是書不敢泯前人之功為叙
其原委如此是役也海營馬公與有力焉聊附及之

康熙庚戌仲春中浣之吉郡人余一元書以讀古齋
中



東羅城圖

東



北抵

東


鎮城圖

一片石邊


東抵寧遠州中前所界

東

南



北



南

院口邊

真武廟

藏書

鐘鼓樓

火神廟

儒學

文昌宮

察院

大傅廟

望洋樓

望洋樓

西北

西抵撫寧縣界

西南

西抵縣界

海

東

普濟庵

遷安驛

唐王廟



泰山行宮


五聖庵

五聖庵

五聖庵

七





西羅城圖

來公祠

龍王廟

西

風羅樓

玉皇廟

三官廟




三清觀

崇興寺

地藏庵

關帝廟



東

南邊接海圖

鎮城接南北邊圖


南水關

南翼城

北

孤山

西




東

鎮

西

北邊接山圖



阜門關

南

北水關

北翼城

羅城

城

羅城





凡例

一纂脩俱照山石誌式其間微有異同如災祥舊載備述後今移在天文誌中從其類也

一沿革 載永屬大概尚未切指關門今通考歷代原委令人確識其所自視昔加詳矣

一建置向有學校今入於秩祀誌附文廟末其在政事誌後以見有養而後有教且與忠節併列一則推重其事以昭風化所關云

一官職向無世勲衛官俱在武階中今攷得明初鎮守大臣數人列於卷首併附世襲於內結載

本朝滿洲諸公增世勲一目

一政事增積儲兵警二目見兵食為政事之大端也

一選舉增人材一目乃前此所未有因其時耳

一人物舊誌有賢淑隱德恐涉私徇類家乘備刪之

一藝文但載近代宗匠及本地名賢之作無取遠古

舊蹟以示博覈

一各誌 管見數行倣角山詹先生及南成張公

舊例以備後人採擇匪敢翫起臆說也

山海關志目錄

卷之一

天文誌

災祥

卷之二

地理誌

沿革

疆域

山川

形勝

風俗

古蹟

卷之三

建置誌

城池 關堡 邊牆 敵臺

官軍 馬騾 器械 公署

庫獄 舖舍 驛遞 海防

坊表 橋梁 井

卷之四

官誌

文階 武階 名宦

卷之五

政事誌

戶口 屯田 土貢 徭役

郵政

關法 積儲 兵警

卷之六

秩紀誌

文廟附學制 壇壝 廟宇

心節

卷之七

選舉誌

進士 舉人 恩選 歲貢

庠生 功例 貢監 例貢 監 人材

武進士 武舉 將選 封贈

恩廕

卷之八

人物誌

鄉賢

忠臣

孝子

節烈

流寓

方技

仙釋

卷之七

藝

記

傳

文

詩

卷之十

備述誌

土產

集市

丘墓

寺觀

景致

脩誌姓氏

整飭直隸通志道山東按察使司僉事錢世清鑒定

永平府山海管關通判陳天植

山城守署遊擊管都司僉書事陳名遠

山海衛掌印兼理屯務守備陳廷謨纂輯

原任禮部儀制清吏司郎中加從四品余一元編次

原任陝西布政使司分守關西道右叅議呂鳴章叅訂

山海衛儒學教授錢裕國校閱

生員王胤祚

王養鳳

沈沂慈

譚從易

宋應奎

譚可興

穆燠

馮九臯

馮憲蛟

劉澤澍

呂世壇

楊開生全校

山海關誌卷之一

天文誌

易曰觀乎天文以察時變義和之命靈臺之經於以授時體有裨於民事甚鉅關門雖僻處

畿東豈以一隅之偏而廢觀察之典哉昭警戒動脩省於是焉在誌天文

星野

山海古幽燕地星分尾箕在析木之次

尾九星去極一百二十七度半箕四星去極一百二

十一度半 文獻通考

箕尾燕分鄭註

箕星散為幽州分為燕國春秋元命苞

燕地尾箕分野漢地理誌

尾箕幽州漢天文誌

自尾十度至斗七度曰析木之次今燕分野帝王世紀

尾箕燕幽州西河上郡北地遼西東入尾十度陳卓

尾箕星析木宮曰人馬時曰寅州曰幽山堂考索

永平府禹貢冀州之域尾分野治一統志○今關去府一百七十里

按箕尾為幽冀分野諸家言如一第禹別九州以

來旋分為十二州歷代分合互異幽燕至止尚無

確據復以仰合星度愈渺矣惟一統志專以永平

屬尾山海西逼平灤其屬尾之次當無疑舊誌張公時顯

災祥

明天順二年冬妖星在天風

弘治四年夏四月辛酉月食尾

正德十六年春二月辰星留守尾

嘉靖二年夏饑

七年大水入西關廂民舍有漂沒家產者

二十三年天方雨忽雷火飛入鎮東樓攝梁間一斗

拱出墜於田間

二十五年夏霖雨四十餘日

三十六年歲大祲疫癘盛行

三十七年秋七月蝗

隆慶元年大水石河流漲涌入西關廂卧牛橋壞

三年四月朔地震聲如輕雷

萬曆元年六月望甘露降於學宮

二十三年五月二十五日地震有聲

八月二十七日夜半雷震異常詰旦鎮東樓向北

一柱烟裊掘之其下得火大如毬

二十五年正月至五月不雨無麥

五月中至七月連雨饑

二十六年大饑

二十七年四月地震有聲

三十二年大水

三十四年三月西南現海市

九月蝗

四十六年九月虫九旗見東方

四十七年二月十八日火星逆行二十日風霾晝晦

黃塵四塞

七月火神廟災

十一月二十一日巳初日生暈兩耳及田心氣二道
四十八年五月安爐打造卜基

聖殿忽殿前大松樹仆

天啓元年二月初三日日暈有耳如月狀

初八日大風霾

二年霪雨壞邊牆無算

七月地震有聲

九月二十五日火藥崩西關廟崇興寺

三年三月朔地震

六年霪雨為災

崇禎七年旱

八年大疫

十一年大水

十三年旱蝗

大清順治十年大水

十一年大水饑

十三年蝗

康熙元年三月初八日霾

二年夏大水

十月十二日雷

四年五月初三日火藥局失火

六年有年

七年六月念八日大水衝入西羅城北門卧牛橋壞

山海關誌卷之一終

山海關誌卷之二

地理誌

設險守國王公所有事而山河百二天下之險莫踰焉若此依山阻海為

兩京關鍵豈非當今之要地歟取其原委一臚列之而川原分界今古推遷瞭然若指掌矣誌地理

沿革

唐屬幽都

虞屬營州

夏省營州入冀

商屬孤竹國

周屬燕

秦併燕以其地屬遼西郡

漢高帝五年屬盧縮 十三年復滅縮定燕置四縣

肥如 令支 騁城 海陽

武帝元封三年徙烏桓於遼西

獻帝初平四年屬公孫瓚 建安四年受於袁紹

十年沒於曹操置盧龍郡

晉武帝中烏桓校尉唐彬開復舊境築秦故塞自

城至碣石

元帝太興四年沒於石勒

成帝咸康三年沒於慕容皝

帝奕太和五年沒於符堅

孝武帝太元九年復沒於慕容垂置平州樂浪郡

安帝隆安三年沒於拓跋魏

魏太延二年拔龍城屬遼西郡改樂浪為北平郡

東魏武定八年沒於高齊

齊承光元年沒於宇文周

周大定元年沒於隋 以上係舊志

元按此乃永平之沿革非專山海之沿革也

隋文帝開皇三年春三月癸亥城渝關關名始見於

十八年夏六月漢王諒軍山臨渝關或云臨閭

煬帝大業十年春三月帝征高麗癸亥次臨渝宮

唐太宗貞觀十九年春二月上親征高麗秋九月班

師冬十月丙辰皇太子迎謁於臨渝關

明皇開元八年營州都督許欽澹移軍入榆關唐史作渝

昭宗乾寧二年契丹王阿保機遣兵寇榆關以此係府誌世

紀

今按榆關在撫寧縣東山海關西距關八十里

遼史遷州興善軍下刺史本漢陽樂縣地聖宗平大

延琳遷歸州民置屬有箭筈山縣一遷民

潤州海陽軍下刺史聖宗平大延琳遷寧州民置

縣一海濱以上係府志沿革

金世宗大定元年冬十月丙午即位於遼陽十二月

甲辰次海濱縣

元泰定帝致和元年八月丁酉發兵守遷民鎮庚戌

發平灤民塹遷民鎮以禦遼東軍九月甲子上都

諸王也先帖木兒平章禿滿迭兒以遼東兵入遷

民鎮或云遷安

順帝至正十三年春正月辛未命西至西山南至保

定河間北至檀順州東至遷民鎮凡係官地及元管各處屯田悉從分司專司立法佃種

明洪武十三年冬十一月元平章完者不花入桃林口寇未平千戶王輅追擊至遷民鎮敗之

十四年春正月大將軍徐達發燕山等衛屯兵萬五千一百人脩未平界嶺等三十二關以上係府誌

洪武十四年創建山海關內設山海衛領千戶所

屬北平都指揮使司

永樂元年革北平都司設留守行都督府以山海衛直隸後軍都督府

宣德五年詔左中二千戶所於遼東止領千戶所八以上係舊誌沿革

此後遂以衛屬未平府遇大事猶具文後府○元

按自遼至明合府誌及山海舊誌觀之則山海關確屬元遷民鎮故址無疑也但遼之遷民與元之遷民遼之海濱與金之海濱是一是二或近或遠今皆不可詳考矣

大清順治元年設衛仍舊撤關

二年復設關

七年以衛地多撥補灤州將撫寧衛併歸山海衛

康熙四年十月移鎮城東門關於東羅城東門

疆域

東三十里至遼前屯衛中前所

西一百里至撫寧縣

北八十里至義院口關

南十里至海

正西一百七十里至永平府

山海西至順天府七百里東至奉天府一千里

按此延袤之大端也析而算之東踰關七里為關

瞭望地餘悉屬遼西南北三方雖山蹊沙瀨及一

市一廛多為撫寧民賦地衛屯牧所散落計十之

一耳厥土亦維艱哉於是乎鮮素封之家矣舊誌

山川

角山脈自居庸古北喜峯諸山東迤逦二千餘里至是聳峙面海而長城枕之控畿甸界遼藩郡

之鎮山之北直抵沙漠層巒彌望邈不可窮矣

後角山去角山北十九里高聳等

首山自北而南此為諸山之首故名上有二郎廟東

洞山去城北十里孤峯峭拔當兩山之衝

狼窩山上有朝陽洞中有一可供一人一

圍春山自洞山入東五里山形四合若

環堵然昔為先達蕭公別墅

鷹窩山 洞在後角山西北自

蟠桃峪 在鷹窩山西北去 三十五里 有寺昔先達多 其中

懸陽洞 在角山東五里 海勝景之一

尖山 在城西許

五泉山 城西北十三里 有五泉因名

孤山 城南六里屹然而海 下臨潮河若砥柱然

平山 城西北四十五里 石門寨之右

寺兜山 里有寺因名

雲夢山 在寺兜山之右 時有雲罩其上

箭筈山 城西北七十里 一名茶盤山

聯峯山 城西南七十里 有東西

歡喜嶺 城東二里許 向東迤邐五里 餘上有文殊庵在道傍

駱駝石 城西南

說話石 在聯峯山東雙峯 若人立相對語然

雙松巖 在角山

勝水巖 在茶盤山西 有水流

金山嘴島 城西南六十 里半入於海

海 自直沽新橋赤洋東厥勢漸北如身之支轉折抵 遼境金復州南岸即登萊二府界明初海運尚通

山東一省錢鈔花布由海 舍及泊舟遺址尚存 今禁海城南十里海濱

澥兒海口 城西南十 里可漁

七里海 城西僅七十里周

石河 在城西源出義院口南入於海沙石叢積塞

張果老河 城西三十里源出

鴨子河 城西北三十五里源出

潮河 在孤山下

南水關河 源出關外東北諸山由南水關穿長城入

北水關河 山原行潦由北水關穿長城

龍潭 居之遇旱取水禱雨今砂石湮塞

形勝

按古稱燕地為四塞險固之國形勝偉矣夫形勝

者地也作之者天而成之者人也今夫幽薊之野

非燕之舊封乎相厥山川山自居庸而東其勢漸

南海曰直沽而東其勢漸北至我關門山麓海濱

不盈一視扼而塞之其為力甚易其為功甚鉅也

顧秦漢以前建都陝洛擯為荒遐清唐以後所謂

榆關猶非今日之關門也逮明因元遷民鎮而建

關設衛屹然重鎮矣今

國朝定鼎燕都以奉天為

龍興之地 兩京相望中一綫斯誠要區哉伏念

改革之初 糾衆與義據此待我

大清兵至併力殄寇以為
開創之基守茲土者當思
改舊誌角山詹公榮
之艱以慎封疆之寄
矣

風俗

按幽燕之俗人性勁悍習尚朴茂厥來迤矣迨國
初徵四方人守之習尚錯雜然山川所限風氣乃
鍾漸而漬之者人多負氣任俠慷慨激上猶席易
水之逸烈士習詩書談氣節少所讓可農瘠土寡
獲其勞苦分省約工乏良材售多苦窳尚昧遠大
機利逐逐轉十一為餬口計閨閨絕織作里閭鮮

聲樂樂事亡何終歲澹然其大都也聞之鄉耆老
云成化以前率尚簡實中產之家猶躬薪水之役
積千金者垣墉服飾若寒素獨昏喪贈遺從腆達
於實用官無墨行罔朘削於下細民畏官府若神
明矧敢囂訟故閭閻多厚藏而俗日敦及今所覩
記者逞浮尚口好訾人短長且以勢利相凌軋家
稍饒輒競紈綺潤屋廬以自侈一遭顛躓遂廉其
直市之計初置僅得三之一是用蕩然無遺婚罔
親迎喪用浮屠病延巫以化者之屍以骨葬尤
為醜薄自鄴都黃公新昌鄔公出令誘禁之而士

大夫復哀然首倡秀民之家稍知有禮法矣惟視
篆者終屬介胄多以剝削而恒軍民懟則訟牒興
是故官日懼於犯民日滋於偽官犯則亡恥民偽
則長姦不有握機者挽而變之吾懼江河之趨日
下矣 出舊誌詹公贊

元按關門風俗明嘉隆以前先達詹公之論業已
得其大凡矣萬曆以後習染益靡古道衰浸滯
至於末季兵役繁興商賈輻湊五方雜處若都會
然賴有大吏大帥彈壓於斯而地方無勢紳豪富
大俠之流足以作惡釀孽所以經亂離而幸免焉

戮或以是歟革命之初兵撤旅散閭井蕭條民無
素蓄一旦食貧困憊幾不支矣三十年來滋培生
聚狡剛漸有起色但滿漢雜處農少商多士不安
恬退而尚囂凌民不務顯蒙而習狙詐藐官凌長
間或有之為婦者不嫻閨訓徒抗夫家一遇疾傷
衆謀圖賴守業者不思固產爭欺鬻主既得售價
復告增添絃誦風微技擊習熾且矜尚驕奢罔思
節儉名分不立人心日偷風化之司四民之首若
不亟思變計共挽頽波豈更不知所底止矣尚
其慎諸

古蹟

舊長城 在城東北延袤西

渝關 括地志云幽州東北七百里有渝關在平州石

十里作榆

海洋城 在城西四十里本漢故縣據漢書龍鮮水東

社屬撫寧縣其遺址至今猶存

海濱廢縣 遼史地理志潤州海陽軍統縣一曰海濱

南至海三十里據此即今海濱西至渝關四十里

關東一百二十步洪武中於其地置東

五花古城 在城西南八里其城連環五座故名莫詳

姜女墳 在城東南入海一里穎出水面其形

望夫石 東門外八里在

秦皇島 城西南二十五里又入海一里

山海關誌卷之二終

山海關誌卷之三

建置誌

春秋有役必書重民力也然教養之資守禦之具有不容已於力役者焉所謂以佚道使民雖勞不怨耳但前人作之猶賴後人成之斯能經久而勿弊凡此營繕所已成不能不將將來者之補葺矣誌建置

城池

築城

周八里一百三十七步四尺高四丈一尺土築

西南北方門各設重鍵上樓櫓環構鋪舍以便

積水引以灌池

鎮東樓 在東門城上 明天順三年重修 嘉靖三十

年主事王邦俊重修 三十八年員外郎邵可立議

修艱費忽海湧大木數千 六年因得告成 詳見名宦

迎恩樓 在西門城上 明嘉靖三十七年兵部主事

陳綰重修 萬曆三十九年員外郎邵可立

會議行副將 劉孔胤重修 威遠樓 在北門城上 明天順七年建 今僅存房五

外郎邵可立會議行 副將劉孔胤重修 望洋樓 在南門城上 明嘉靖八年建 萬曆二十九

年兵部員外郎邵可立會議行 副將劉孔胤重修 奎光樓 在東南城角上 明成化十五年重修 萬曆

外郎邵可立會議行 副將劉孔胤重修 威遠堂 在東北城角上 明初徐武寧建 關城時欲

止其柱礎遺趾尚存 嘉靖四十四年兵部主

事孫應元即故址建堂三楹 扁曰威遠 今廢

臨習樓 在東城上 接東羅城北角處 明萬曆十二

年 牧營樓 在東城上 接東羅城南角處 明萬曆十二

年 慮有不測 特置樓設軍云 新樓 在東城上 牧營樓南 明天啓六年建

鐘鼓樓 明徐武寧創立 城池時建在中央之北 成

化七年修 萬曆十四年參將谷成功移於

城中央 穿心四孔 建後二十餘年 科第寥落 武弁

亦阨財 匱民窮 據堪輿家云 水星高大 壓倒中氣

-5 160 45 920" data-label="Text">

主小人得位 三十九年 員外郎邵可立去樓上層

-105 160 45 920" data-label="Text">

以殺其勢 國朝康熙二十一年 管關通判陳天植率

-155 160 45 920" data-label="Text">

士民重修

-205 160 45 920" data-label="Text">

重修

-255 160 45 920" data-label="Text">

重修

-305 160 45 920" data-label="Text">

重修

-355 160 45 920" data-label="Text">

重修

-405 160 45 920" data-label="Text">

重修

-455 160 45 920" data-label="Text">

重修

-505 160 45 920" data-label="Text">

重修

-555 160 45 920" data-label="Text">

重修

-605 160 45 920" data-label="Text">

重修

-655 160 45 920" data-label="Text">

重修

-705 160 45 920" data-label="Text">

重修

-755 160 45 920" data-label="Text">

重修

-805 160 45 920" data-label="Text">

重修

-855 160 45 920" data-label="Text">

重修

-905 160 45 920" data-label="Text">

重修

-955 160 45 920" data-label="Text">

重修

-1005 160 45 920" data-label="Text">

重修

澄海樓 在南海上明兵部主事王致中定日久漸名遠守備陳廷國朝康熙九年通判陳天植遊擊陳

池 周一千六百二十丈濶十丈深二丈五尺外有夾橫於池上以通往來

北翼城 在北水關邊城上明撫院楊嗣昌建週圍三

南翼城 在南水關邊城上明撫院楊嗣昌建週圍三

寧海城 在南海上明撫院楊嗣昌建週圍三

東羅坊 在東關外接連大城週圍五百四十七丈四

樓 二附敵樓七惟東門通遼道勢濶大有甕城明

使成遜請建國朝康熙四年移關時通判陳

植都司孫枝茂守備王御春同修完固塞南北二

門即以東門作關門

服遠樓 在城東門上

池 週四百二丈九尺

西羅城 明崇禎十六年巡撫朱國棟請建工未畢遇

員今裁

拱辰樓 在西關外始建不知何年因土築易圯明

建石址磚包堅厚異前副將蘭登瀛代任增置樓

下傍屋一區今作西羅城西門

關堡

山海關 舊係鎮城東門今移在東羅城東門為奉天

南海口關 去城十里

南水關去城二里關設二門河自東入先年春夏則

木為柵明嘉靖甲子歲六月二部主事孫應元添設鐵

葉開板二扇每扇濶一丈二尺高一丈四尺旁用

大木作柱亦以鐵葉包裹柱上各有護朽石柱下

各便啓閉無事則高懸樓以蔽風雨設滾木轆轤

城半有事則開至水底一門河自東入明嘉靖甲子

北水關城北二里關設一門河自東入明嘉靖甲子

旱門關城北六里今久砌塞

角山關城北十二里角山之顛長城補山截谷紆迴

三道關城東北三十里

寺兒峪關城東北三十二里以上二關舊屬石門寨

海路管理

南水關敵樓在本關城上

北水關敵樓在本關城上俱明萬曆元年總督軍

邊牆南入海北抵角山絕壁牆外仍浚有池俱明初徐

武寧建後沿牆增設敵臺防守

明嘉隆以前原額邊牆八千五百七十六丈六尺

萬曆七年增築南海一入海石城七丈都督戚繼光

行參將吳惟忠修
國朝康熙七年重修永平道俞事錢世清督工管關
茂遊擊陳名遠山海衛守備陳廷謨分修計工一
千八百二十六度
敵臺

靖鹵一號臺在南海口關盡頭屹立海水中實為敵臺之始

王受二號臺○白舖三號臺○北小舖四號臺○大

灣五號臺○界牌六號臺○南水七號臺○北水

八號臺○腰舖九號臺○旱門十號臺○角山東

十一號臺○三道小口十二號臺○桃園東十三

號臺○三道正關十四號臺○爛石十五號臺○

唐帽十六號臺○唐帽西十七號臺○尖山東十

八號臺○尖山十九號臺○松山東二十號臺○

松山二十一號臺○松西二十二號臺○橫嶺二

十三號臺

以上敵臺共二十三座每座設防守百總一名南

兵五名北兵二名統以千總一員把總二員隨火

器什物俱全以上係舊誌近多廢

見在敵臺十一座臺兵三十三名

官軍

明嘉靖十三年守備志轄原額官軍四百八十七員

名四十年奉例於山海衛招架軍士一千名

隆慶三年裁革守備改設叅將撥過石門路所屬寺

兒峪三道關二堡官軍一百六十三員名又召募

軍士一百名家丁五十名

萬曆十五年奉例召募新兵七百名

十八年增募南海口千總下家丁二十名又節年

收過各省清配軍一百六十餘名○以上官軍共

計二千六百六十五員名有奇此其大畧也每年

逃故丁絕不等實亡之數常不足 以上係舊誌

國朝經制見在兵丁三百名

馬騾

明嘉靖十三年以後馬騾共增至一千三十六匹頭

係舊誌

國朝經制操備馬六十二匹

器械

明嘉靖十三年以後器械共增至八十萬四千九百

一十件○銅鐵大將軍共計三十六位又羅城鐵

大將軍三位砲四位佛郎機八架大小火器俱全

係舊誌

國朝見在器械三萬每年按○火砲一百四十位

演武場在南門外有將臺舊制卑隘明萬曆八年總

明季增兵設鎮營制更定不一茲不具載

附石門路兵丁二百五十名其黃土嶺大毛山義院口俱屬統轄去一

片石三十五里

山海關志卷之三
南海口營兵丁二百名○操楛馬四十六匹○器械二萬一千二百七十四等件本口分防汛守四處老龍頭南海口秦皇島白塔嶺迤西係蒲河營分防汛守

按明嘉靖以前山海石門共為一路以監鎗內臣守之而山海僅設守備一員至嘉靖二十八年山海召募遊兵三千統以遊擊時猶於額設也暨三十六年石門改設叅將而山海守備實屬之俱燕河副總兵所轄後嘉靖末隆慶初始題准山海仍設叅將割一片石以東三道關寺兒峪改隸山海而屹然列為二路矣然要害相連聲勢相應二而

一者也出舊誌張公時顯

元按關門距南海雖十里實係同城合石門一路之兵將近千人益以滿洲甲士軍聲未為不壯也况北有燕河建昌南有蒲河劉家墩而永平協守居中四應東路藩維屹然稱固是在當事者綢繆陰雨先事而預防之耳

公署明末衙門多設今廢不載

管關廳在鎮城西北

山海路係舊兵部分司在鎮城東門內

山海衛 在鎮城西門內北榭衛察院傍

察院 係舊關內道榭在文昌祠右

庫獄

神鎗庫 在東門甕城中今廢

神器庫 在東南隅明燭部孫承宗建

火藥局 在西北隅傍義倉乃舊養濟院明撫院楊嗣昌建後失火廢

獄 在城西北太傅廟西明撫院楊嗣昌建

羈候所 在西北隅獄後明關內道王應豸建以拘罪

舖舍

鎮城 乾健坤順巽武艮輔四坊內泰字化字明字美字總字保字淳字憲字八舖地方四名

西羅城 昇寧晏謚四舖地方二名

東羅城 地方一名

南北關廂南北翼城 共二舖地方二名

伏路窩舖四處 設兵十六名

驛遞

遷安馬驛 在鎮城西門外役在昌黎後為棍蠹包攬貽害關民明末仍歸昌黎應役有碑記

遞運所 在東北隅今廢

海防

赤洋海口營

牛頭崖海口營

新橋海口營 以上俱海濱明永樂七年因倭寇樂亭設今廢

南海口龍武營 明天啟二年閣部孫承宗設舡兵以防海沙唬遼舡五十隻今廢

蒲河營

南海口營

劉家墩營 以上 國朝順治十三年設

附海運 明初徐武寧開運馬頭莊有下船遺址後閉塞不行萬曆四十八年總制文球令關

道陶珽開運自天津至南海口暨寧遠併通商貨軍民稱便至 國朝順治十六年禁海今暫停

坊表

維藩首善坊 在東門山海路治右

大成坊 在儒學櫺星門前

屏翰三輔坊 在西街

節制四鎮坊 在西街

安壤坊 在北街路東

布德宣威坊 在南街向西二條櫺櫺內

關門大計坊 在南街路西

威揚瀚海坊 在南街向西二條櫺櫺內今廢

節鎮榆關坊 在威揚瀚海坊右今廢

迎恩坊 在西門吊橋西

薊門鎖鑰坊 在西羅城拱辰樓內

遼海咽喉坊 在東羅城內

亞元坊 在東街為蕭顯中明天順三年鄉試第二名

進士坊 在城中央之東為蕭顯中明成化壬辰科會

獨乘驄馬坊 在城中央之西為明御史鄭已建今廢

身府重光坊 在城中央之北為田躍中明弘治十四

麟經獨步坊 在城中央之南為李伯潤中明正德八

進士坊 在南街為崔錦中明成化甲辰科會試建今

尚書坊 在鐘鼓樓西為明兵部左侍郎贈工部尚書

冬官馳封坊 在西街為明贈工部郎中劉汝禎建今

中山武寧王坊 在太傅廟前

忠愍坊 在西關外張忠愍祠前今廢

百歲榮封坊 在西街為明贈大理寺左寺副程炬建

鄉試題名坊 在東街

會試題名坊 在西街

孝義坊 在南街路東為生員穆思文建

黃氏貞節坊 在迤運所南為龍昇妻黃氏建今廢

郭氏貞節坊 在西街為張忠愍妻郭氏建今廢

天日丹心坊 在西羅城關帝廟前

至道開天坊 在西羅城北門外三清觀前

山海關志 卷之三

瀛海僊宮坊 在天妃廟前明兵部主事王邦俊建

東嶽廟坊 在東羅城東嶽廟前

橋梁

大成橋 在儒學前

大明橋 在鐘鼓樓之北明初時建

引龍橋 在南門裏舊雨水壅積直浸南門城脚明兵部主事陳果建石橋於此導水逶迤而東順

水門去今淤

卧牛橋 在西羅城三孔兩欄俱石築旁卧石牛因名

顯重修 年久傾頽明萬曆二十四年兵部主事張時

國朝康熙七年大水衝壞八年管關通判陳天植山海路遊擊陳名遠山海衛守備陳廷謨率士民重修

太平橋 在西羅城西門外

石河橋 在西門外二里用木土浮架遇秋夏水漲撤去冬涸復搭以利涉

探海橋 在南門外城河水漲入海行者不便明叅將張守職因創橋於此國朝重修築以石

北鎮橋 在北門外真武廟之左架木為之後築以石雨潦直灌其下涸可立待

咽喉橋 在東羅城咽喉坊之前通西南水門築石為之以便往來

登僊橋 在東羅城東明外

井

雙文井 在儒學明倫堂前後二井城中他水皆鹹鹵惟二井其滑

北浦新井 在山海路衙後園

馮家井 在西羅城街南西羅城諸井皆其恒此更為清冽

滿井 在城西七十里百家環共汲之隨滿大旱亦然

城東新井 在城東一里

山海關志卷之三終



